



Indgået

↳ 2 NOV. 2017

Inatsisartunut ilaasortaq
Vivan Motzfeldt, Siumut

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

**Siunnersortinik avataaneersunik sulisunillu nunani allani najugalinik
Naalakkersuisut atuinerat pillugu § 37 nappertorlugu apeqqummut nr. 231-mut
akissut**

Siunnersortinik avataaneersut sulisunillu nunani allani najugallit pillugit
Naalakkersuisunut Inatsisartut suleriaasiat § 37 naapertorlugu apeqquteqarputit. Taakku
ataani akineqarput.

Brevdato: 01-11-2017
Sags nr.2017-24181
Akt id. 6467411

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

**1. Namminersorlutik Oqartussat avataaniit siunnersorneqarnermut
ukiumut qanoq annertutigisumik aningaasartuuteqartarpat?**

Apeqqummut 1-imut akissut.

Aallaqqaasiullugu erseqqissarneqassaaq, siunnersorti imatut paaneqartoq inuk
suliassamik aalajangersimasumik suliaqarnissaq siunertaralugu piffissami sivikitsumi
sivisunerusumilu atorfinitsinneqartoq. Siunnersorti namminersortuusinnaavoq
akissarsialiusinnaallunilu.

2016-imi siunnersortinut avataaneersunut katillugit 220 mio. kr. atorneqarput.
Aningaasartuutit 2012-imut sanilliullugit 5 procentinik appariarput. Aningaasartuutit
taakku naalakkersuisoqarfinnut aningaasanullu agguarlugit aamma Namminersorlutik
Oqartussani aningaasartuutinut soraarnerussutisiassanullu aningaasartuutinut
tamarmiusunut sanilliullugit ataani takussutissiami ataaniittumi takutinneqarput.


Takussutissiami 1-imi koruuninngorlugu takutinneqarpoq Ilinniartitaanermut,
Kultureqarnermut, Ilisimatusarnermut Ilageeqarnermullu Naalakkersuisoqarfik aamma
Peqqissutsimut Naalakkersuisoqarfik atuinerpaajusut. Atuiffiunerpaajuusut tassaapput
ilinniartiffinni ilinniartitsisut censorillu kiisalu peqqissaanermi nakorsat peqqissaasullu.

Takussutissiami 2-mi procentinngorlugu takutinneqarpoq Aatsitassanut
Naalakkersuisoqarfik aamma Inuussutissarsiornermut, Suliffeqarnermut, Niuernermut
Nukissiuuteqarnermullu Naalakkersuisoqarfik atuinerpaajusut. Pingaartumik
Aatsitassanut Naalakkersuisoqarfik pillugu oqaatigineqassaaq, aqutsisoqarfiit taassuma
ataaniittut ilanngullugu geologiimi inatsisilerinermilu immikkut ilisimasallit ilisimasaat
atorfissaqartinneqartartut.


Tamassuma saniatigut naggasiullugu oqaatigineqassaaq, naalakkersuisoqarfiit
ataasiakkaat sulisut sivikitsumik sulisinneqartut (siunnersortit) suliassanik
suliaqartinnissaannik aqutsinermi tunngavisaqartumik aalajangiisnaasut.

Qulaaniittunik aningaasartuuteqarnerup naleqquttuunerannik nalilersuineq apeqqutip uuma avataaniippoq

Takussutissiaq 1: Siunnersortinik 2016-imi atuineq koruuninngorlugu naalackersuisoqarfinnut agguarlugu



Takussutissiaq 2: Siunnersortinik 2016-imi atuineq procentinngorlugu naalakkersuisoqarfinnut agguarlugu



2. **Namminersorlutik Oqartussat suliffeqarfinnut siunnersuisartunut nunatta avataani angerlarsimaffeqartunut aningaasat qanoq amerlatigut atortarpaat?**
3. **Namminersorlutik Oqartussat suliffeqarfinnut siunnersuisartunut nunatsinni angerlarsimaffeqartunut aningaasat qanoq amerlatigisut atorneqartarpaat?**

Apeqqutinyt 2-mut 3-mullu akissut

Apeqqutit imatut paasineqarput suliffeqarfiit Asiaq, Nukissiorfiit aamma Mittarfeeqarfiit pineqartut.

Asiamut, Nukissiorfinnut aamma Mittarfeeqarfiinnullu kisitsisit ataaniipput.

ASIAQ's brug af konsulenter fordelt på Grønland og resten af Verden i årene 2014, 2015 og 2016

| Forbrug af konsulent (TDKK) | År 2014 | År 2015 | År 2016 |
|-----------------------------|---------|---------|---------|
| Grønland | - | - | 631 |
| Resten af verden | 1.231 | 205 | 161 |

Nukissiorfiit siunnersortinik 2016-imi atuineri pilersuisut najugaqarfiinut agguarlugit

| Ukioq 2016-imi siunnersortinut atukkat | |
|----------------------------------------|--------------------------------|
| | Aningaasat tkr.-inngorlugit |
| Kalaallit Nunaanneersut | 18.286 |
| Danmarkimeersut | 16.824 |
| Nunanit allannersut | 22 |
| Katillugit | 35.132 |

| Mittarfeqarfiit siunnersortinik piffissami 2012-2016-mi atuinerat | | | |
|-------------------------------------------------------------------|---------------------------------------------|-------------------------------------------|-----------|
| | Siunnersortit Kalaallit Nunaanneersut | Siunnersortit nunatta avataaneersut | Katinneri |
| År | | Beløb i tkr. | |
| 2012 | 494,30 | 2.759,50 | 3.253,80 |
| 2013 | 502,80 | 1.665,30 | 2.168,10 |
| 2014 | 443,00 | 714,80 | 1.157,80 |
| 2015 | 1.525,90 | 800,90 | 2.326,80 |
| 2016 | 1.956,60 | 2.152,40 | 4.109,00 |

4. Namminersorlutik Oqartussat ataanni sulisut qassit nunatta avataani angerlarsimaffeqartunut atorfigitinneqarpat, taakkunungalugu akissarsiat katinnerat qanoq annertussuseqarpa?

Apeqqummut 4-mut akissut

Annertunerpaamik nunatsinneersunik sulisunik atorfinitsitsinissaq Naalakkersuisut ataatsimut isigalugu kissaatigaat.

Tamanna pillugu ilisimasaqarnerulernissaq siunertaralugu sulisut nunani allani najugaqartut naalakkersuisoqarfiinut taakkulu immikkoortuinut agguarlugit maannakkut paasiniaasoqarpoq.

Paasiniaaneq naammassippat akissarsianut aningaasartuutit taakkununga tunngasut naatsorneqassapput.

Ilimagineqarpoq sulineq qaammatini aggersuni naammassissasoq.

Paasiniaaneq taanna pillugu paasisutissat annertunerusut, apeqquteqartup kissaatigippagu taamanikkumut nassiunneqarsinnaapput.

- i. Tassani immikkut paaserusunnarput ingerlatseqatigiiffiit Namminersorlutik Oqartussanik tamakkiisumik ilaannakortumillu piginneqataaffigisaat qassinik nunani allani angerlarsimaffeqartunik nunatta avataani atorfeqartitsinersut, aningaasallu qanoq annertutigisut taakkununga akissarsiaritinneqartarnersut.**

Apeqqummut 4i-mut akissut

Apeqqutip akinissaa siunertaralugu suliffeqarfinnut Namminersorlutik Oqartussanit tamakkiisumik ilaannakortumilluunniit pigineqartunut naalackersuisoqarfik saaffiginnippoq.

Suliffeqarfiit ilaasa apeqqut piffissaritinneqartup iluani akisinnaasimangilaat. Paasisutissat sukumiinerusinnaasut nassiunneqassapput.

Taamaammat akissummi ataaniittut ilanngunneqanngillat:

1. Sulisut Kalaallit Nunaata avataani najugaqartut amerlassusaat pillugit suliffeqarfiit Royal Greenland A/S aamma Royal Arctic Line A/S ilaatinneqanngillat.
2. Sulisut Kalaallit Nunaata avataani sulisut akissarsiaat pillugit suliffeqarfiit Royal Greenland A/S, Royal Arctic Line A/S, TELE Greenland A/S KNI A/S ilaatinneqanngillat.

Qulaaniittut sillimaffigalugit paasisutissiissutigineqarsinnaavoq, suliffeqarfit tamakkerlutik paasisutissiissut Kalaallit Nunaata avataani najugaqartut 108-sut. Tassunga atatillugu akissarsiat 34,2 kr.-upput.

Tamassuma saniatigut eqqaasitsissutigineqassaaq, inuit ataasiakkaat inuilluunniit ataatsimoortut aningaasarsiaat pillugit paasisutissat suliffeqarfiit Namminersorlutik Oqartussanit tamakkiisumik ilaannakortumilluunniit pigineqartut unammillersinnaassusiannut pingaaruteqarsinnaasut

Taamaammat aktieselskabit pillugit inatsit naapertorlugu paasisutissat immikkuualuttunngorlugit suliffeqarfiup ataatsip arlallilluunniit niuerfinni unammerlernerannik ajoqusiisinnaasut Naalackersuisunit avammut paasisutissiissutiginnissaat naleqqutinngitsutut nalilerneqarpoq.

Inussiarnersumik inuulluaqqusillunga

Aqqaluaq B. Egede